

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1387

22.11.2013թվ.

ՀՀ ոստիկանության պետ
զեներալ-լեյտենանտ
պարոն. Վ.Գասպարյանին

Հարգելի պարոն Գասպարյան,



Մույն թվականի նոյեմբերի 17-ին Դիտորդական խումբը այցելություն կատարելով ՀՀ ոստիկանության Արմավիրի ՄՎ Վաղարշապատի ՁՊՎ արձանագրել էր մի շարք խախտումներ և թերություններ: Դրանք են.

Թերություններ.

1. Խոհանոցի վարթակը գտնվում էր բաց վիճակում
2. Ինչպես ամբողջ ՁՊՎ-ն, այնպես էլ բուժսենյակը գտնվում էին ամբողջությամբ փոշոտ վիճակում
3. Բուժսենյակի ինչպես բնական, այնպես էլ արհեստական լուսավորությունը վատ էր
4. Խցերում առկա սպտակեղենը օգտագործված էր
5. Գրանցամատյանները լրացվում են թերություններով և ջնջումներով:

Խախտումներ.

1. Ինչպես նախորդ անգամ, այնպես էլ այս այցելության ժամանակ արձանագրվեց, որ ՁՊՎ անձ է ընդունվում առանց անձը հաստատաող փաստաթղթի, որն էլ լուրջ խղիիրներ է առաջացրել, իսկ նրա անձը պարզվել է կալանավորումից հետո:
2. Հովհաննես Պապյանը 09.08.2013թ. ժամը 14⁰⁰-16⁰⁰-ին հանդիպել է փատաբանի հետ, ով մուտք է գործել ՁՊՎ-ի տարածք, բայց <<Ձերբակալվածներին խցերից դուրս բերելու>> գրանցամատյանում ոչ մի գրառում չկար:



3. Արամ Մուշեղյանը կրկի 12.09.2013թ. ժամը 14⁰⁰-14⁰⁵-ը 02.09.2013թ.-ին ժամը 14³⁰-15⁰⁰-ին և 26.08.2013թ ժամը 14¹⁵-14³⁵-ը <<Ձերբակալվածներին խցերից դուրս բերելու>> գրանցամատյանի հանդիպել է իր փաստաբանի հետ, երեք դեպքում էլ բացակայում էր համապատասխան դիմումները ՁՊՎ մուտք գործելու:
4. Հայկ Միսակյանը ըստ <<Ձերբակալվածներին խցերից դուրս բերելու>> գրանցամատյանի 08.10.2013թ. ժամը 17³⁰-17⁴⁰-ը հանդիպել է իր փաստաբանի հետ, բայց փաստաբանի ՁՊՎ մուտք գործելու համապատասխան դիմումը բացակայում էր:
5. Արայիկ Ալբերտի Միքայելյանը ձերբակալվել և ՁՊՎ է ընդունվել 28.06.2013թ, ժամը 13⁰⁰-ին: Ըստ <<ՁՊՎ-ում պահվող անձանց հաշվառման>> գրանցամատյանի Ա. Միքայելյանը կալանավորվել է 01.07.2013թ. ժամի 12⁰⁰-ին, բայց ըստ <<Ձերբակալվածներին խցերից դուրս բերելու>> գրանցամատյանի Ա. Միքայելյանը խցից դուրս է բերվել և դատարան է տեղափոխվել ժամը 13⁰⁰-13²⁰-ը ընկած ժամանակահատվածում, արդյունքում՝ խախտվել է Ա.Միքայելյանի ՀՀ Սահմանադրությամբ նախատեսված իրավունքը, և նրան արգելանքի վերցնելու ժամը արդեն իսկ լրացած են խցից դուրս բերել և տեղափոխել դատարան, այնինչ ժամը 13⁰⁰-ին նա պետք է արդեն իսկ ազատ արձակված լիներ:
Ավելացնենք նաև, որ նշված իրավախախտումը ՁՊՎ-ում կատարվել էր նաև նախորդ այցելության ընթացքում:


Այսպիսով, խնդրում ենք ուսումնասիրել ներկայացված իրավախախտումները և տալ մեկնաբանություն ներկայացվածի վերաբերյալ:

Միաժամանակ հայտնում ենք, որ Արմավիրի մարզի Արմավիրի և Վաղարշապատի ՁՊՎ-ները աշխատում են գերծանրաբեռնված և ինչպես նախորդ տարիների ընթացքում, այս տարի ևս հերթապահությունը իրականացվում է օրեկան մեկ հերթապահ ոստիկանի կողմից: Նշենք, որ 01.01.2013թ-ից մինչ 17.11.2013թ-ը Վաղարշապատի ՁՊՎ-ում պահվել է 378 անձիք, իսկ Արմավիրի ՁՊՎ-ում պահվել է 393 անձիք, ընդհանուր առմամբ՝ 771 անձիք: Այդ իսկ պատճառով Դիտորդական խումբը առաջարկում է, որպեսզի Արմավիրի մարզի գործող երկու ՁՊՎ-ներում համալրվի օրվա հերթապահ ոստիկանի հաստիքները, դարձնելով օրեկան երկու հոգի՝ աշխատանքները ավելի արդյունավետ կազմակերպելու համար:

Դիտորդական խմբի կողմից կատարված առաջարկությունը կամայական մեկնաբանություն չունի, այլ իրատեսորեն հնարավոր չէ օրեկան հերթապահություն իրականացնող մեկ ոստիկանի կողմից աշխատանքները կատարել ըստ պատշաճի:

Հարգանքներով՝

ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

N- 2/2-1-3626

«20» 12 2013թ.

Ձեր՝ 22.11.2013թ. թիվ 2621/1387 գր.

«Ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ Հասմիկ Սահակյանին»

Հարգելի տիկին Սահակյան

Հայտնվում է, որ դիտորդների խմբի կողմից ս/թ նոյեմբերի 17-ին «Ոստիկանության Արմավիրի մարզային վարչության Վաղարշապատի բաժնի ձերբակալվածներին պահելու վայր կատարած այցելության ընթացքում արձանագրված թերությունները և խախտումներն ուսումնասիրվել են «Ոստիկանության շտաբում և քննչական գլխավոր վարչությունում, իսկ Արմավիրի մարզային վարչությունում կատարվել է ծառայողական քննություն: Արձանագրված բոլոր թերությունները վերացվել են:

1.Սույն թվականի հոկտեմբերի 14-ին, ժամը 19:30-ին ձերբակալվել և ոստիկանության Վաղարշապատի բաժնի ՁՊՎ է ներկայացվել կասկածյալ, մշտական բնակության վայր չունեցող Միշա Վալերիի Օգանովը և քանի որ վերջինս երբևէ «քաղաքացու անձնագիր չի ունեցել, այդ իսկ պատճառով նրան հերթապահ մասի պետի ժամանակավոր պաշտոնակատար Վ.Պողոսյանը, «««Ոստիկանության համակարգում գործող ձերբակալվածներին պահելու վայրերի»» ներքին կանոնակարգի թիվ 11-րդ կետի պահանջներին համապատասխան, ձերբակալվածին ուղղված հարցերի միջոցով ճշտել է ձերբակալման արձանագրության մեջ նշված անձնական տվյալները, կազմել Միշա Վալերիի Օգանովի տվյալներով անձը հաստատող լուսանկարով տեղեկանք և կցել ձերբակալվածի անձնական գործին:

16.10.2013թ քննիչի միջնորդությամբ Արմավիրի մարզի ընդհանուր իրավասության դատարանը Միշա Վալերիի Օգանովի նկատմամբ որոշում է կայացրել կալանավորումը որպես խափանման միջոց կիրառելու մասին: Այնուհետև նախաքննության ընթացքում ձեռք բերված փաստաթղթերի միջոցով պարզվել է, որ կալանավորվածը հանդիսանում է 28.04.1988թ. Տաշիր քաղաքում ծնված Մեխակ Վալերիի Օհանովը և անճշտությունը ուղղելու համար քննիչի կողմից 17.10.2013թ. կրկնակի միջնորդություն է ներկայացվել Արմավիրի մարզի ընդհանուր իրավասության դատարան, որտեղ որոշում է կայացվել՝ կալանավորումը

գանովի փոխարեն նշել Մեխակ Վալերիի Օհանով: Որոշումը ստանալուց հետո Վ.Պողոսյանը <<ՁՊՎ-ում պահվող անձանց հաշվառման գրանցամատյանի>> 333 հերթական համարի տակ Օգանով Միշա Վալերիի գրանցման սյունակում ավելացրել է <<Օհանով Մեխակ Վալերիի>> բառերը: 18.10.2013թ. Մ. Օհանովը տեղափոխվել է << ԱՆ <<Նուբարաշեն>> ԲԿՀ:

2. Քննիչ Է.Բաբերյանը և դատապաշտպան Պ.Բոյաջյանը 09.08.2013թ. ժամը 16:00-ին ՁՊՎ-ում տեսակցել են ձերբակալված Հ.Պապյանի հետ, սակայն ՁՊՎ-ի հերթապահ ոստիկանի անփութության հետևանքով խախտվել է << կառավարության 05.06.2008թ. թիվ 574-Ն որոշմամբ հաստատված <<<< ոստիկանության համակարգում գործող ձերբակալվածներին պահելու վայրերի>> ներքին կանոնակարգի թիվ 176 կետի պահանջները և <<Ձերբակալվածներին խցերից դուրս բերելու>> գրանցամատյանում գրառումը կատարվել է թերի՝ մատյանում նշելով միայն քննիչի այցելության մասին:

3-4. Հայկ Միսակյանի և Արամ Մուղայանի փաստաբանների հետ տեսակցություններն տրվել են վերջիններիս կողմից ներկայացված համապատասխան փաստաթղթերի հիման վրա, ինչը կարգավորվում է <<Ձերբակալված և կալանավորված անձանց պահելու մասին>> << օրենքի 15 հոդվածով և << կառավարության 05.06.2008թ. թիվ 574-Ն որոշմամբ հաստատված <<<< ոստիկանության համակարգում գործող ձերբակալվածներին պահելու վայրերի>> ներքին կանոնակարգի թիվ 53 և 54 կետերով, որոնց համաձայն ՁՊՎ մուտք գործելու և իրենց պաշտպանյալներին տեսակցելու համար փաստաբանների կողմից որևէ դիմում ներկայացնել չի պահանջվում: Նշված տեսակցությունների վերաբերյալ ՁՊՎ ոստիկանների կողմից <<Ձերբակալվածներին խցերից դուրս բերելու>> գրանցամատյանում կատարվել են համապատասխան գրառումներ:

5. Ոստիկանության Վաղարշապատի քննչական բաժանմունքում հարուցված քրեական գործով 28.06.2013թ. ժամը 13:00-ին Արայիկ Միքայելյանը ձերբակալվել և տեղափոխվել է ոստիկանության Վաղարշապատի բաժնի ՁՊՎ: 01.07.2013թ. ժամը 12:00-ին մեղադրյալ Ա.Միքայելյանը ներկայացվել է Արմավիրի մարզի ընդհանուր իրավասության դատարան՝ վերջինիս նկատմամբ կալանավորումը որպես խափանման միջոց կիրառելու միջնորդությունը քննության առնելու նպատակով: Նույն օրը դատարանի կողմից միջնորդությունը բավարարվել է, որից հետո Ա.Միքայելյանը տեղափոխվել է ՁՊՎ: Ա.Միքայելյանի՝ << սահմանադրությամբ նախատեսված իրավունքը չի խախտվել, այլ նրա տեղաշարժի մասին ՁՊՎ ոստիկան Մ.Գյոզալյանի անփութության հետևանքով <<Ձերբակալվածներին խցերից դուրս բերելու>> գրանցամատյանում ժամանակին չեն կատարվել համապատասխան գրառումներ, իսկ հետագայում նույն ոստիկանի կողմից կատարվել է սխալ գրառում՝ դուրս բերման ժամը նշելով 13:00-ն, իսկ վերադարձինը՝ 13:20-ը:

Կատարված ծառայողական քննության արդյունքներով գործառության պարտականությունների կատարման մեջ թերանալու համար ոստիկանության Վաղարշապատի բաժնի հերթապահ մասի պետ Վ.Վարդանյանը և ՁՊՎ ոստիկան Ս.Միքայելյանը խիստ նախազգուշացվել են, իսկ ՁՊՎ ոստիկան Մ.Գյոզալյանը ենթարկվել է կարգապահական տույժի:

Ինչ վերաբերվում է ոստիկանության Արմավիրի մարզային վարչության Արմավիրի և Վաղարշապատի բաժինների ՁՊՎ-ներում հերթապահ ոստիկանների երկուական հաստիքներ ավելացնելուն, ապա այդ հարցը կքննարկվի << ոստիկանությունում:

<< ոստիկանության շտաբ